

Beibele e be e, e bile ea, gomme e tla dula e tshepega

Thero mo Johane 21:15-25

Palo ya Beibele: Johane 21:1-14 & 1 Peter 5:1-4

Temanathero: Johane 21:15-25

Ge motho a etla kerekeng, o tšea Beibele ya gagwe. mo kerekeng motho ithuta go humana dipuku tša Beibele tše di fapanego. Gomme ge motho a boela gae, o sepela le Beibele. Letšatši le lengwe le le lengwe la beke, motho o swanetše go bala Beibele. Beibele ke sešupo sa rena sa bophelo. Sešupo ke selo se se šumišwago ke batho go hwetša lefelo la maleba. Beibele e ikemišeditše gomme e re laetša tsela ya maleba ya bophelo. Goreng? Ke ka gobane Beibele ke puku ya Modimo. Gomme ge re bala Beibele, re kwa Lentšu la Modimo. Ka Beibele Lentšu la Modimo le thato ya Modimo di tšea karolo maphelong a rena.

Tabataba: Beibele e be e, e bile ea, gomme e tla dula e tshepega

Temana ya rena e thoma ka dijo. Ka morago ga dijo Jesu o be a na le molaetša o bohlokwa. O lebiša mantšu a gagwe kudu go Simone Petro. Ka makgetlo a mararo o botšiša Petro ge e ba o a mo rata. Makgetlo a mararo a botšiša potšišo e tee, ka mantšu ao a fapanego. O laelwa gore e be modiši wa mohlape wa Jesu. Messiah o beakanya tša nako yeo e tlogo. Go sa ye kae o tla be a boela legodimong. Gomme o bea Petro gore e be moetapele. Ka nnete ye ke nako ya tšebiso ya semmušo. Se se ba bonolo ka tsela yeo Jesu a laelago Petro (temana ya 15). Maina a gagwe ka botlalo ka polelo ya se aramaic, a bolela le leina la tatagwe, lebaka la bore Jesu o boeletša potšišo gararo le go gatelela bohlokwa bja motsotso wo. 'ana o nthatha go fetiša se? Ka 'se' Jesu o lebišitše go dihlapi. Petro o be a šoma go ba moswari wa dihlapi. Gomme ka morago ga go bapolwa le go tsoga ga Jesu, Petro o ile a boela mošomong wa gagwe wa kgale. Gomme bjalo ba be ba dutše mo, kgauswi le maswela ao a tletšego dihlapi. Ge a botšiša potšišo, mohlomongwe Jesu o ile a šupa ka letsogo go dihlapi tšeo. Le ga go le bjalo Jesu o be a na le mošomo o mongwe – go fetiša dilo tšohle. Ke mošomo wo o tlilego go tšea bophelo bja gagwe ka moka. Mo nakong yeo e tlogo o tlile go ba modiši, go hlokomela mohlape wa moruti wa gagwe, Messiah.

Ka morago ga lekgetlo la boraro ge Jesu a botšiša, Petro a ile a nyama. Ka nnete Morena o be a tseba gore o a mo rata. Ana Morena ga a lebelele seo se lego mo pelong? Ka morago ga go botšiša la boraro Jesu o ile a se botšiše gape. Makgetlo a mararo a be a lekanye go Morena. Makgetlo a mararo Petro o ile a ganetša moruti wa gagwe. Makgetlo a mararo bjalo o tshepisa gape lerato le boinelo bja gagwe go Morena. Petro o ikemišeditše go ya gohle mo Jesu a nyakago gore a be gona. Boikokobetšo ke ditlamorago bja lerato la nnete. Bjale o thapiwa bjalo ka mosomi wa moruti wa gagwe, yo ka nako ye e tlogo e tlilego go ba modiši legodimong. Gomme dinku, di be di le kae? Ka nako yeo e be e le tše nenyane. E le tše nenyane bjalo bja dihlapi tšeo ba bego ba di swere bošego bjo bo fetilego. Empa ka nakonyana fela dinku di tlile go tla ka bontši, bjale ka dihlapi. Ka taelo ya Jesu. Jesu o be a tseba gore se se tlile go diragale, gomme bjale o be a šetše a itokiša. O be a šetše a thapile badiši ba go diša mohlapi mo legatong la gagwe.

Boramahlale ba bangwe ba be ba re lebaka la gore Jesu a botšiše Petro potšišo e tee gararo e be e le go latela ka tsela yeo ba bego ba dira matšatšing ao, ge yo mongwe a be a thapiwa. Ke matšatši ao di kgoagano tše dintši di bego di dirwa ka molomo, go e dira ka go ngwala go be go turwa. Le ga go le bjalo, go bonolo gore Petro o ile a humana maikarabelo a magolo. Ka morago ga Pentekoste o be a swanetše go etapele kereke ya baapostola. E sego ka boyena, o be a tla thušwa ke baapostola ba bangwe. Gomme ka bona badiši ba bantši ba be ba tla thapiwa mo lefaseng. Ke gopola gore – go hlaloša lebaka le – ka seo Petro a se ngwetšego mo lengwalong la gagwe (1 Petr 5:1) 'Go bagolo mo gare ga lena, ke kgopela ke re... ebang badiši ba mohlapi ba Modimo o lego mo go lena...'

Pitšo ye, le ga go le bjalo, e be e thibela Petro ka bokamoso bja gagwe go fetiša. Mo temaneng ya rena, go tloga mathomong, ge Jesu a kgopela Petro se mmušo go ba moapostola wa gagwe, Jesu o bolela ga bonolo le ka se. Jesu o be a tseba ka nako yeo gore bophelo bja Petro bo tlileng go ba bjang. Bjalo ka lesogana Petro o be a rata tokologo ya gagwe. o be a nyaka go dula go ba a ye mo a go ratago. Ke ka lebaka leo a ilego a tšea maikarabelo – bošego bja pele ga ge a boela gape go yo swara dihlapa. Empa mo nakong ye e tlogo motho yo mongwe o tlile go laola mosepelo wa gagwe. motho yo mongwe o tlile go mo tliša mohlomongwe mo a sa nyakego go ba gona. Gomme Jesu o bolela bonolo ka se, bjale ka gore o tlile go thapa Petro. Ke tlile go go roma. O ka se ye mo o ratago gona. Gomme se e tlile go ba taba bophelong bja gago ka moka. Jesu o šetše a tseba gore bophelo bja Petro bo tlile go lebega bjang. Mo mengwageng ya bjale Jesu o tsebišitše barutiwa ba gagwe nako le nako ka ga dihlokofatšo le lehu le bohloko la gagwe. Petro ka nako tšohle o be a ganetša mantšu a moruti wa gagwe. se se ka sego diragelele!, o ile a boeletša a realo. Empa go diragetše bjalo. Thato ya Modimo ga e phethege. Gomme bjale Jesu o dira seo ka Petro. Ka nako ye o bolela ka ditlhokofatšo tšeo di tlilego go tla bophelong bja Petro. Di tlile go tšea nako, mohlomongwe mengwaga ye masome pedi. Empa ka nako ye Jesu o botša Petro: o tlile go hwa lehu la go ba hlatse. Temana ya 19 e bolela ka tsela e botse empa e lebiša ka tsela ye: Jesu o be a bolela se a laetša ka tsela yeo lehu la Petro le tlilego go tumiša Modimo.

Gopola fela, ka motsotso wo o thapiwago ka wona, mothapi wa gago a go tšebisa gore: bophelo bja gagwe bo tlile go ba ka tsela e fe bofelong! Mo mangwalong ao Petro a a ngwetšego re ka bona gore ka nnete o be a tšere molaetša ka botlalo o Jesu a mo nneilego gona letšatši leo. 2 Petro 1:13-14: 'ke bona e lemogo botse ge ke se phela mo mmeleng wo, gore ke le gopotše, gobane ke a tseba gore nakong ye e tlogo ke tlile go fedišwa, bjalo ka ge Morena Jesu Kriste a mmpoditše.' Le go lengwalong la pele la gagwe o re: 'le ga go le bjalo, ge o hlokofatšwa bjalo ka moKriste, o se lewe ke dihlong, empa tumiša Modimo gore o rwele leina la gagwe.' (1 Petr 4:16)

Nakong yeo moebangedi Johane a ngwalago mantšu a temana ya rena, mohlomongwe Pero o be šetše a hwile. Johane o lebelela morago. Go ya ka setšo Petro o ile a bapolwa Roma. Ka kgopelo ya gagwe o ile a bapolwa a išitše hlogo fase, e le go lebiša gore ke e monyane mo go moruti wa gagwe. lebaka la gore o tlile go bapolwa, Jesu o be a šetše a le tšebišitše. Bjalo ka monna e mogolo Petro o tlile go phatlalatša matsogo a gagwe mo sefapanong, gomme motho yo mongwe o tlile go mo tlemelela mo sefapanong ka mathale. Ka mantšu a mo temaneng ya 18 Jesu o lebišitše go lehu le sehlogo sefapanong. Ka bohlatse bjo Petro o tlile go tumiša Modimo. Gomme ka morago ga mo o tsebišitše Petro, Jesu a re: Ntšhale morago.

Go tloga mo temaneng ya masome pedi go iša pele temana ya rena e tloga mo go Petro e lebelela Johane. Johane ga a itšebiše ka go bolela leina la gagwe gabotse. Mo Ebangeding ya gagwe ga go mo a bolelago ka lona. O bolela ka tše dingwe bjalo ka: morutiwa yo Morena a bego a mo rata. Mo hlalošo e feteletše: Morutiwa yo a bego a ithekgile ka Jesu mo dijong gomme a re: Morena, ke mang yo a tlilego go go eka? Ge Petro a be a sa gopola ka ga pitšo yeo, a e hweditšego, o ile a bona Johane a eme. Ana a a se mahlale a sathane, go shuthiša polelo? Ana yo e be e le Petro wa modiradibe, ka motsotso nyanafela a leka go ka ganetša seo? Setlwaedi ke gore go šupiwe yo mongwe ka monwana? Empa Morena – Petro a re – ana go tlile go direga eng ka yena? Petro a bona Johane a eme... empa ka nako yeo Morena a bolela bonolo gore ke mang yo a nago le maatla a go tšea kahlolo. Ke odiši yo mogolo. Ge ke nyaka gore a phele go fihlela ke bowa, ana seo ke eng mo go wena? Wena o swanetše go ntšhala morago fela! O se ke wa lebelela ka mathoko. Lebelela pele, gona mo ke go išago gona. Petro o be a swanetše go lebiša mahlo a gagwe go Morena.

Gomme, temana ya 23, Johane moebangedi o bolela selo se bohlokwa. Ge a ngwala Ebangedi gona bjale, o be šetše a godile. Mo go baapostola ka moka Johane o phetše go ba fetiša bohle. Go ya ka setšo Johane o hwile ge e ka ba mengwaga e le kgolo ka morago ga Kriste (AD). Ka karolo engwe ka lebaka le mengwaga dipolelo di ile tša phatlalala mo go Bakriste ba century ya pele gore Johane ga a ka a hwa, le gore o tlile go pela go fihlela Kriste a boa. Le ga go le bjalo mo,

mafelelong a Ebangedi ya Johane o tšea nako ye go phošolla dipolelo tše. Ka nnete Jesu o boletše se sengwe ka ga Johane ge a be a bolela le Petro: ge Ke nyaka o tlile go phela go fihlela ge Ke boa, seo ke eng mo go wena? Le ga go le bjalo Johane o ngwala polelo ye ya Jesu gore motho a se ke a dira phošo. Jesu o be a nyaka go bolela bonolo mo go Petro a se ke a lebelela batho ba bangwe. Petro o be a swanetše go mo latela fela yena moruti le Mophološi wa gagwe. gomme Jesu ka boyena o tlile go ahlola gore Johane o tlile go phela lebaka le le kae. Ka nnete Johane le yena o be a sa tšebe gore o tlile go phela go fihlela neng. A ka se dire go fetiša ge e sego boeletša mantšu ao Jesu a boletšego.

Johane le yena o humane pitšo ya karolo bjalo ka Petro, empa go be go na le phapang. Petro o be a tlile go tumiša Modimo bjalo ka hlatse mo sefapanong. Re tseba seema seo se rego: madi a dihlatse e bile seenywa sa kereke. Gomme ka go le lengwe Johane o be a tlile go tumiša Modimo ka go ba hlatse ya gagwe mo mengwageng ya go phela ga gagwe. Bohlatse bja yo a bonego ka mahlo Ebangedi mo go setšhaba sa pele le sa kgole. Ka nnete bohlatse bja botshepegi bja Ebangedi. Seo se bile pitšo ya bophelo bja Johane, bjalo ka ge go boletše Moruti wa gagwe. gomme bjale – ke lebaka leo Johane a feleletšago Ebangedi ya gagwe ka taba ye – tebelelo ya Bakriste matšatšing a gagwe e be e se gore ba lebelele yena le go se fele ga gagwe, empa tebelelo e swanetše go lebišwa go tshepiso ya go boa ga Jesu Messiah ka boyena. Ka bohlatse Johane bjalo ka hlatse ya go bona le ya go kwa o be a tšweletša pele botshepegi bja bohlatse ge a ngwala Ebangedi ya gagwe.

Go bohlokwa go lebelela gore Ebangedi ya Johane e na la bofelo ga bedi. Mo mafelelong a kgaolo ya 20 go lebega e ke puku e fihlile bofelong. Empa Johane o thoma go ngwala kgaolo ya 21 gape, yeo e nago le bofelo mafelelong a yona. Mo mabakeng a mabedi go lebisitšwe lebakeng la gore Morena o dirile mehlolo e mengwe e mentši le matete ao a sa ngwalwago, e lego a mantši go ka bolelwa, e lego a mantši go ka ngwalwa mo pukung. Ka nnete ge ka moka ga tšona di ka be di ngwadilwe pukung, le lefase le be le ka se kgone go swara puku yeo mo go lona. Go lebega e ke Johane o be a ngwala Ebangedi gomme ka morago a ile a tlaleletša ka kgaolo ye. Se se a kgonagala. E be e le pitšo ya Johane go bolela ka nnete le go e šireletša. O dirile bjalo ka go ngwala ditiragalo tša history ya Ebangedi, ka ga bophelo bja Jesu mo lefaseng. Le ga go le bjalo, ge a bona gore mo go sepeleng ga mengwaga go tlile go ba le diphapang ka ga boyena le ka mo a tlilego go phela, o ile a e bona bjalo ka pitšo – a sepedišwa ke Moya o Mokgethwa – go hlaloša gabotse le go tloša diphapang le mo dingwalong tša gagwe. mohlomongwe kgaolo ye ke ye nyane mo go karolo ya Beibele ka moka – ke ra gore – e ngwadilwe la bofelo. E ngwadilwe mengwaga e mentši ka morago ga gore Jesu o rotogele legodimong. Beibele yeo re nago le yona lehono, e sepedišitšwe ka tumelo le ka botshepegi mo mengwageng. Ke mohlolo ka mo Beibele e fetotšwego ka gona, ge re lebelela dipuku tše dingwe tša nako ya yona. Dikgatišo tše ntši tša Beibele tša mengwaga ya kgale di sa le gona, e bile di tšweletšwa gape, ke bolela se gobane go bohlokwa mo temaneng ya bofelo ya kgaolo ye.

Bohlatse bja Johane ke bja nnete! Lehono, e ka ba mengwaga ye 1900 ka morago ga lehu la Johane, re sa na le Beibele yona yela. Lehono re ka tiiša, re se na go belaela: Beibele yeo ke e swerego, Beibele yeo ke e rekilego dipukung, ke yona ya maleba. Gomme Ebangedi ya Johane ke yona yela ya puku (go tloga kgaolong 1-21) gore moapostola Johane o e tlogeletše meloko yeo e tlogo ka morago ga gagwe. gomme dilo ka moka tšeo a di ngwadilego mo dikgaolong tše 21 ke mohlatse bjo bo kgethegilego bja seo Jesu a se dirilego mo lefaseng, ke nnete, se ngwetšwe fase ke hlatse yeo e di bonego ka mahlo.

Ga re lebelele se nako le nako mo ditherong ka moka. Le ga go le bjalo, dithero ka moka e ka ba di dirilwe ditemaneng tše di fapanego tša Beibele, di tšwa bohlatse bjo: mangwalo a tshepega, le history e hlatsela bjalo. Go bohlokwa lehono go gatelela le go lebelela gape. Gobane puku ye – Beibele – e na la karolo ye bohlokwa bophelong bja gago. E na le khuetšo e kgolo bophelong bja gago. Se se ka be se se bjalo ge e ka be puku ye e sa tshepege. Empa gobane e tshepega, re ka re: Beibele e na le lentšu la bofelo. Empa Modimo ka Morwa wa gagwe Jesu Kriste o bolela le rena

ka puku ye. Gomme bjale puku ye ke sešupo sa go tshepega mo bophelong, e re laetša tsela ya go ya nneteng, bophelong bjo bo sa felego, le lethabong le le sa felego.

Amene.